



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Bulevar Meše Selimovića 95, 71000 Sarajevo, Bosna i Hercegovina
Telefon: +387 33 276 676; Fax: +387 33 444 332
Email: info_nsbih@nsbih.ba; www.nfsbih.ba



Broj: 02 – 4440 - 3/23
Sarajevo, 14.11.2023. godine

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni Odbor Nogometnog/Fudbalskog saveza Bosne i Hercegovine, na sjednici održanoj dana 14.11.2023. godine, donosi s l j e d e ć u

O D L U K U
o preregistraciji igrača NS/FS BiH 2024

- 1. Registracioni savezi Nogometnog/Fudbalskog saveza Bosne i Hercegovine, dužni su provesti postupak preregistracije igrača u periodu od dana 01.01.2024 godine, pa zaključno sa zadnjim danom zimskog registracionog perioda 2024 godine.**
- 2. Obavezuju se Registracioni savezi Nogometnog/Fudbalskog saveza Bosne i Hercegovine da provedu postupak preregistracije u skladu sa članom 19. Pravilnika o registracijama klubova i igrača i statusu i transferu igrača Nogometnog/Fudbalskog saveza Bosne i Hercegovine i Uputstvom o preregistraciji koje je sastavni dio ove Odluke.**
- 3. Ova Odluka stupa na snagu danom donošenja.**
- 4. Zadužuje se Služba za takmičenje i suđenje da izvrši objavu Odluke u Službenom glasniku 'Nogometnog/Fudbalskog saveza BiH'.**

O b r a z l o ž e n j e

U skladu sa članom 19. Pravilnika o registracijama klubova i igrača i statusu i transferu igrača Nogometnog/Fudbalskog saveza Bosne i Hercegovine predviđa se postupak ponovne registracije svih igrača za svoje dosadašnje klubove, a u cilju ažuriranja registra aktivnih igrača u svakom pojedinačnom klubu.


U skladu sa navedenim, preregistracija igrača se vrši po potrebi i u skladu sa uputstvom o načinu preregistraciji igrača, a o čemu odluku donosi Izvršni odbor Nogometnog/Fudbalskog saveza Bosne i Hercegovine ili Izvršni odbor nadležnog registracionog saveza, a minimalno svake četiri godine.

Budući da je poslednja preregistracija igrača Nogometnog/Fudbalskog saveza Bosne i Hercegovine izvršena 2018. godine, te da je samim tim neophodno izvršiti preregistraciju igrača u gore navedenom periodu, Izvršni odbor Nogometnog/Fudbalskog saveza Bosne i Hercegovine donio je odluku kao u dispozitivu.



PREDSJEDNIK

Vico Zeljković s.r.



Na osnovu Odluke o preregistraciji igrača NS/FS BiH 2024, broj: 02 – 4440 - 3/23 od dana 14.11.2023. godine, Izvršni Odbor Nogometnog/Fudbalskog saveza Bosne i Hercegovine, na sjednici održanoj dana 14.11.2023. godine, d o n o s i s l j e d e ć e

U P U T S T V O

o načinu sprovođenja Odluke o preregistraciji igrača Nogometnog /Fudbalskog saveza BiH 2024

1. Preregistracija igrača počinje dana 01.01.2024. godine, a završava se zaključno sa posljednjim danom zimskog registracionog perioda 2024. godine.
2. Proces preregistracije obavljaju registracioni savezi Nogometnog/Fudbalskog saveza Bosne i Hercegovine, uz potrebnu dokumentaciju kluba.
3. Obavezi preregistracije podliježu svi igrači koji su registrovani zaključno sa posljednjim danom koji prethodi prvom danu preregistracije i to:
 - igrači pod ugovorom neamateri i amateri, obavezno svi
 - ostali igrači amateri: samo oni za koje klub odluči da ih preregistruje uključujući i one igrače koji su u toku trajanja preregistracije privremeno odsutni

Preregistracija se ne vrši za igrače koji se redovno registruju u vrijeme trajanja preregistracije, s tim što za te registracije važe odredbe ove Odluke u vezi sa obrascima za registraciju uključujući i nove fotografije.

Od svih igrača koji se preregistruju, kao i onih koji se redovno registruju, počev od prvog dana utvrđenog za preregistraciju, formira se nova kartoteka kao i novi registar igrača.

Svi igrači koje klub, do posljednjeg dana utvrđenog za preregistraciju, ne preregistruje automatski prestaju da budu registrovani članovi kluba, te se mogu registrovati za bilo koji drugi klub po odredbama Pravilnika o registracijama klubova i igrača i statusu i transferu igrača NS/FS BiH sa pravom nastupa danom objave registracije u Službenom glasniku, s tim što su obavezni u prijavi za registraciju u rubrici dosadašnji član da stave naziv kluba kome su pripadali do preregistracije, a u rubrici posljednji nastup da stave: nije preregistrovan.

Igrači, ako mijenjaju teritoriju registracionog saveza, dužni su da uzmu potvrdu o automatskom brisanju sa spiska registrovanih igrača nastalu zato što ih njihov klub nije preregistrovao.

Nadalje, svi igrači koji nisu preregistrovani sa zadnjim danom za preregistraciju se automatski brišu u sistemu COMET sa razlogom: nije preregistrovan i postaju dostupni za registraciju u drugim klubovima

4. Počev od prvog dana koji slijedi posle preregistracije klub može nastupati samo sa igračima koji su preregistrovani po odredbama ove Odluke, kao i sa igračima koji su redovno registrovani počev od dana kada je počela preregistracija igrača.

Protiv kluba koji nastupi na zvaničnoj utakmici (prvenstvenoj ili kup) sa igračem koji nije preregistrovan, a podliježe obavezi preregistracije, povećće se disciplinski postupak u skladu sa Disciplinskim pravilnikom NS/FS BiH (nastup sa igračem koji nema pravo nastupa sa tim što će se po žalbi oštećenog kluba primjeniti i takmičarske sankcije iz Pravilnika o nogometnim /fudbalskim takmičenjima NS/FS BiH).

U cilju izvršenja preregistracije svaki klub dužan je da nadležnom registracionom savezu dostavi sljedeće:

- spisak registrovanih igrača koje žele da preregistruju u dva primjerka (jedan primjerak organ za registraciju zadržava za svoje potrebe, a drugi poslije ovjere vraća klubu) sa slijedećim podacima:

- prezime (očevo ime-puno ime) i ime igrača
- pravo nastupa na prvenstvenim utakmicama i Kup utakmicama
- broj registracije (broj iz COMET-a)
- stari karton
- nove kartone sa fotografijom koju će klub ovjeriti pečatom, sa datumom registracije potpisan od ovlaštene osobe kluba, ovjeren pečatom kluba i član i datum registracije, potpisan od ovlaštene osobe i ovjeren od strane registracionog saveza
- novi kartoni bi trebao biti prilagođen trenutnim potrebama u vezi sa neophodnim podacima (rubrika za lične podatke, državljanstvo, član registracije, e mail, kontakt tel., mjesto za potpis igrača, roditelja, staratelja, itd.,

Na određenom mjestu ispod fotografije igrač je dužan da se svojeručno potpiše na dvije prijave /kartona/ igrača ovjerene pečatom kluba.

5. Po prijemu predmeta preregistracije organ za registraciju igrača nadležnog registracionog Saveza na sjednici:

- pregleda materijal i sravnjava podatke dostavljene od strane kluba sa svojim podacima
- odlučuje se da se ispravni predmeti preregistruju, a nepotpuni odbace
- sve odluke o završenoj preregistraciji ill odbijanju zahtjeva se konstatuju zapisnički
- odluke o odbijanju zahtjeva se dostavljaju klubovima zajedno sa obrazloženjem
- evidencija preregistracije u organu za registraciju se vodi kroz sistem COMET
- odluke o izvršenim preregistracijama se objavljuju u Službenom glasniku Saveza koji je nadležan za ovjeru registracije putem COMET-a.

6. U novim prijavama za registraciju nadležni organ za registraciju igrača Saveza unosi pravo nastupa prema ranije izvršenoj registraciji

Nadležni organ za registraciju igrača obavezan je da vodi evidenciju registrovanih igrača po klubovima u sistemu COMET.

Uputstvo je sastavni dio Odluke o preregistraciji igrača NS/FS BiH za 2024. godinu.

Ovo Uputstvo obavezno se objavljuje u Službenom glasniku NS/FS BiH.



PREDSJEDNIK

Vico Zeljković s.r.